



# Møteprotokoll

**Utval:** Jostedalsbreen nasjonalparkstyre

**Møtestad:** Gloppen hotell, Sandane

**Dato:** 13.02.2024

**Tidspunkt:** 10:30 - 14:30

## Følgjande faste medlemmer møte:

Namn	Funksjon	Representerer
Oddmund Klakegg	Medlem	Sunnfjord kommune
Hege Lothe	Medlem	Vestland fylkeskommune
Mariel Eikeset Koren	Medlem	Gloppen kommune
Stig Ove Ølmheim	Medlem	Sogndal kommune
Andreas Wollnick Wiese	Medlem	Luster kommune

## Følgjande medlemmer hadde meldt forfall:

Namn	Funksjon	Representerer
Stine Fjellkårstad	Nestleiar	Stryn kommune

## Følgjande varamedlemmer møte:

Namn	Møtte for	Representerer
------	-----------	---------------

## Merknader:

Andre deltakarar: Anne Rudsengen, Statens naturoppsyn

## Andre frammøtte:

Namn

Trygve Snøtun

Tor Arne Hauge

## Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Andreas Wollnick Wiese

Mariel Eikeset Koren

## Saksliste

Utvalgs- saksnr	Innhold	Lukket	Arkiv- saksnr
ST 1/24	Godkjenning av innkalling og dagsorden		
ST 2/24	Jostedalsbreen nasjonalparkstyre - konstituering for perioden 2024-2027		2024/2147
ST 3/24	Val av styremedlem til å skrive under protokoll i lag med styreleiar		
ST 4/24	Orienterings- drøftings- og referatsaker		
ST 5/24	Jostedalsbreen nasjonalpark - Søknad om godkjenning av øvingsplan - 2024-2027 - Luster Røde Kors Hjelpekorps		2024/2040
ST 6/24	Jostedalsbreen nasjonalpark - Løyve til motorferdsel med helikopter for frakt av materialar og oppsetting av ny bru ved Lonene i Befringsdalen - Sørsida Indre Jølster Beitelag		2024/1946
ST 7/24	Jostedalsbreen nasjonalpark - Søknad om oppsetting av basestasjon - Gjetargut - Austerdalen - Øivind Skovly		2024/2045

### ST 1/24 Godkjenning av innkalling og dagsorden

#### Saksprotokoll i Jostedalsbreen nasjonalparkstyre - 13.02.2024

##### Handsaming i møte

Ingen merknader til innkalling.

##### Vedtak

Samrøystes vedteke.

### ST 2/24 Jostedalsbreen nasjonalparkstyre - konstituering for perioden 2024-2027

#### Saksprotokoll i Jostedalsbreen nasjonalparkstyre - 13.02.2024

## **Handsaming i møte**

Oddmund Klakegg føreslo Andreas Wollnick Wiese som leiar av Jostedalsbreen nasjonalparkstyre for perioden 2024-2027. Vidare vart Stine Fjellkårstad føreslege som nestleiar for Jostedalsbreen nasjonalparkstyre for perioden 2024-2027.

## **Vedtak**

Jostedalsbreen nasjonalparkstyre vert med dette konstituert og vel følgjande blant styret sine faste medlem til leiar og nestleiar:

Leiar for Jostedalsbreen nasjonalparkstyre 2024-2027 er Andreas Wollnick Wiese.

Nestleiar for Jostedalsbreen nasjonalparkstyre 2024-2027 er Stine Fjellkårstad.

Samrøystes vedteke.

Valet av leiar og nestleiar for nasjonalparkstyret er gjort i medhald av reviderte vedtekter, gjeldande frå 1. januar 2024.

## **ST 3/24 Val av styremedlem til å skrive under protokoll i lag med styreleiar**

### **Saksprotokoll i Jostedalsbreen nasjonalparkstyre - 13.02.2024**

## **Handsaming i møte**

Mariel Eikeset Koren meldte seg til å skrive under protokoll i lag med styreleiar.

## **Vedtak**

Samrøystes vedteke.

## **ST 4/24 Orienterings- drøftings- og referatsaker**

### **Saksprotokoll i Jostedalsbreen nasjonalparkstyre - 13.02.2024**

## **Handsaming i møte**

Styret drøfta sakene og tok dei til vitande:

- Gjennomgang av vedtekter for nasjonalpark- /verneområdestyrer.
- Drift av nasjonalparkstyret 2024; driftsbudsjett, møteplan for 2024 og oppstartssamling i Sogndal 3.-4.april.
- Gjennomgang av møtegodtgjerdslø og reiserekning.
- Gjennomgang av omsøkt tiltaksplan for 2024.
- Ny skjøtselsplan for Tungestølen.
- Gjennomgang av nettsider og SoMe-kontoar som nasjonalparkstyret driftar.
- Orientering frå Statens Naturoppsyn.
- Mediesaker sidan sist.

## Vedtak

# ST 5/24 Jostedalsbreen nasjonalpark - Søknad om godkjenning av øvingsplan - 2024-2027 - Luster Røde Kors Hjelpekorps

## Saksprotokoll i Jostedalsbreen nasjonalparkstyre - 13.02.2024

### Handsaming i møte

Gjennomgang av saka frå forvaltar.  
Samrøystes vedteke i tråd med innstillinga.

## Vedtak

Nasjonalparkstyret for Jostedalsbreen nasjonalpark gjev Luster Røde Kors Hjelpekorps løyve til kjentmannskøyring i perioden 2024-2027. Løyvet er gjeve i medhald av naturmangfaldlova § 48, første ledd. Løyvet gjeld aktivitet i tråd med godkjent øvingsplan slik det går fram av tabellen nedanfor:

ID	Tidsrom	Føremål	Stad	Tal køyretøy (snøskuter/ATV)	Tal dagar	Merknad
1	Veke 4 til veke 17	Kjentmannstur-Jostedalen	Bjønntegane - Viva - Styggevatnet - Sprongdalseggi - Austdalsbreen - Viva	8	4	Invitere med nabokorps og skredgruppa

### Løyvet gjeld med følgjande vilkår:

- Bruk av snøskuter skal avgrensast til ruta som er godkjent av Vest Politidistrikt, køyring skal vere i samsvar med øvingsplanen. Kjentmannsturen skal følgje traseane som er oppgitt i kartløysinga [Luster RKH - øvingsplan kjentmannsturar 2024-2027 - SARTopo](#)
- Køytinga, tal dagar og tal snøskuterar skal avgrensast til det som er strengt naudsynt innanfor løyveramma.
- Kjentmannsturane skal samordnast med nabokorps og skredgruppa, slik at turane vert køyrt samla, i tråd med godkjend øvingsplan.
- Tal snøskuterar bør reduserast til 4 om ikkje turen blir samkøyr med andre korps.
- SNO skal varslast seinast dagen før køyring, og vil kunne gi melding om det må takast spesielle omsyn. Køyting skal meldast til SNO ved Anne Rudsengen på mobilnummer 959 63 888. Varslinga skal merkast med vår ref. 2024/2040.
- Under køyring skal det takast særleg omsyn naturverdiar og evt. folk på tur i området. Dersom det blir observert villrein under køytinga, skal køytinga stoppast på god avstand

til dyra har passert, evt. at ruta blir lagt om for å unngå unødig forstyrning av dyra. Det skal holdast ein avstand på minst 500 meter frå villrein.

- Snøskuterar tilhøyrande Luster Røde Kors Hjelpekorps skal vere merka med organisasjonen sin logo. Dersom det vert brukt andre snøskuterar som hjelpekorpsset disponerer, skal desse merkast slik at det går fram at dei er i hjelpekorpsset si teneste.
- Utskrift av dispensasjon skal vera med på turane, slik at øvingsleiar kan vise denne ved eventuell kontroll.
- Dato, tal på snøskuterar, tal turar og køyrerute skal rapporterast til nasjonalparkforvaltar snarast råd etter gjennomføring, og seinast innan 1. juni kvart år.
- Forvaltinga ber om at særskilte observasjonar vert teke med i rapporten.

Politiet varslar gjennom utsending av køyreordre før kvar kjentmannstur, jf. retningsliner for kjentmannskøyering i verneområde.

Vi gjer merksam på at dette løyvet er handsama i medhald av verneforskriftene, og at evt. andre løyver må innhentast i tillegg.

## **ST 6/24 Jostedalsbreen nasjonalpark - Løyve til motorferdsel med helikopter for frakt av materialar og oppsetting av ny bru ved Lonene i Befringsdalen - Sørsida Indre Jølster Beitelag**

### **Saksprotokoll i Jostedalsbreen nasjonalparkstyre - 13.02.2024**

#### **Handsaming i møte**

Gjennomgang av saka frå forvaltar.  
Samrøystes vedteke i tråd med innstillinga.

#### **Vedtak**

Jostedalen nasjonalparkstyre gir løyve, i medhald av verneforskrifta sin § IV, punkt 1.3, 3.strekpunkt, til oppsetjing av ei ny bru ved Lonene i Befringsdalen som skissert i søknad.

Løyvet er gjeve på følgjande vilkår:

1. Av omsyn til potensielt hekkande våtmarksfugl i området må transport av materialar og bygging av bru skje etter 15.august.
2. Tredekket på brua skal vere av malmfuru eller liknande, ikkje av trykkimpregnerte materialar.
3. Tiltakshavarane, Sørsida Indre Jølster Beitelag, har eigarskap og vedlikehaldsansvar for brua
4. Restar etter den gamle brua skal samlast opp og fraktast ut av nasjonalparken og leverast til godkjent mottak
5. Det skal sendast inn rapport til nasjonalparkstyret etter at tiltaket er ferdigstilt, seinast innan 1.november 2024.

Jostedalsbreen nasjonalparkstyre gir og løyve, i medhald av verneforskrifta sin § IV punkt 4.3, 2.strekpunkt, til motorferdsel med helikopter i samband med frakt av materialar til bru og retur frakt av gamle brurestar ut av nasjonalparken.

Løyve til motorferdsel vert gjeve på følgjande vilkår:

1. Inntil 3 helikopterhiv inn til Lonene, med føremål å frakte materialar og utstyr inn og ta restar av den gamle brua ut att.
2. Flyginga skal skje i perioden 15.august – 20.oktober 2024.
3. Flyginga skal ikkje skje på laurdagar, søndagar, heilagdagane og på offentlege feriedagar grunna omsynet til friluftsliv.
4. Dagen før planlagt flyging skal Statens naturoppsyn v/Anne Rudsengen (tlf 95 96 38 88) eller nasjonalparkforvaltar Tor Arne Hauge (tlf 90 19 24 71) varslast pr. sms eller telefon.

## **ST 7/24 Jostedalsbreen nasjonalpark - Søknad om oppsetting av basestasjon - Gjetargut - Austerdalen - Øivind Skovly**

### **Saksprotokoll i Jostedalsbreen nasjonalparkstyre - 13.02.2024**

#### **Handsaming i møte**

Gjennomgang av saka frå forvaltar.

Styret gjorde merksam på at det er fleire system for elektroniske bjøller, og at det vil vere uheldig om det kjem ulike system i same området.

Samrøystes vedteke i tråd med innstillinga.

#### **Vedtak**

Jostedalsbreen nasjonalparkstyre gjev Øivind Skovly løyve til å sette opp 1 basestasjon for elektronisk bjøllesystem til husdyr i Jostedalsbreen nasjonalpark. Det kan setjast opp ein basestasjon på avmerkt område i kartet, altså sørvest av Breasandane, posisjon 61.5610173, 6.9789584, kring 512 m o.h. Basestasjonen skal plasserast innan for ein radius på 50 meter ut frå punktet på kartet, der tiltakshavar skal finne best mogleg plassering med omsyn til minimal silhuettverknad og god mobildekning.


Løyve er gjeve med heimel i naturmangfaldlova § 48, første ledd.

Løyvet er gjeve med følgjande vilkår:

- Basestasjonen kan festast i fjellet med 12 mm bolt til søylefot til mast, samt inntil 4 boltar på 8 mm i diameter til barduner.
- Det kan plukkast steinar frå nærområdet til skjerming av festepunkta til basestasjonen. Steinane skal ikkje plukkast frå vardar eller andre kulturminne.
- Basestasjonen skal plasserast slik at dei er minst mogleg synleg frå stiar i området.
- Søkjar skal demontera og frakta basestasjonane ut av området straks dei ikkje er i bruk, er ute av drift eller er skada. Alle boltar skal då skjerast ned jamt med fjellet.
- Basestasjonane skal kunne nyttast av andre gardbrukarar/beitelag med husdyr i same fjellområdet.
- I forkant av oppsetting skal forvaltar kontaktast for å avklare nøyaktig plassering av master. Om høve vil forvaltar vere med på oppsetting.

Løyve til utplassering av basestasjonane gjeld fram til 30.07.2024.

Dette løyvet er berre handsama etter verneforskrift og verneverdiane i Jostedalsbreen nasjonalpark. Tiltaket må i tillegg ha naudsynte avtalar med grunneigarar i området, og avklarast med Luster kommune om tiltaket er søknadspliktig.



Kart med plassering av basestasjonar og dekningsgrad i terrenget. Den nordlegaste basestasjonen er innanfor Jostedalsbreen nasjonalpark.